



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XV

BROJ: 246

DATUM: 11.09.2018.GODINE



Usluge Saveza

PRAVNO SAVJETOVALIŠTE:
Selma Fišek, viši saradnik za pravna
pitanja
fax: + 387 33 552 810
selma@sogfbih.ba

Sadržaj biltena:

#MjesneZajednice: Osnovana Mreža koordinatora za poslove sa mjesnim zajednicama

Projekat "Čista rijeka Bosna"

"Dani evropskog naslijeđa" ove godine u Kreševu, Kiseljaku i Fojnici

Ambasador Holandije u BiH sa gradonačelnikom Fazlicem razgovarao o migrantskoj krizi

Realizacija projekta uređenja korita rijeke Bosne, Stavinje i Misoče na području općine Ilijaš

Gradonačelnik primio u radnu posjetu delegaciju Ambasade Švicarske u BiH

Poziv za uključivanje u reviziju strateškog plana razvoja

Najava obilježavanja dana Općina/ Gradova za mjesec RUJAN/ SEPTEMBAR

Bilten Saveza općina i gradova Federacije Bosne i Hercegovine

#MjesneZajednice: Osnovana Mreža koordinatora za poslove sa mjesnim zajednicama

Danas je u zgradi Ujedinjenih nacija u Sarajevu, osnovana Mreža koordinatora iz jedinica lokalne samouprave za poslove sa mjesnim zajednicama Saveza općina/općina gradova RS-a i Federacije BiH. U uvodnim obraćanjima prisutnima su se obratili Vesna Travljanin, direktorica Saveza općina i gradova FBiH i generalni sekretar Saveza općina i gradova RS-a Aco Pantić.

Savez općina i gradova Republike Srpske i Savez općina i gradova Federacije Bosne i Hercegovine organizovali su osnivački sastanak na bazi izraženih potreba iz svakodnevne prakse službenika koji rade na poslovima sa mjesnim zajednicama. „Mreža ima za cilj unapređenje primjene regulatornog okvira, stručnog znanja i dobrih praksi u oblasti ostvarivanja funkcija mjesnih zajednica u jedinicima lokalne samouprave, organizovanja i rezultata, te uloge savjeta mjesnih zajednica, planiranja rada i ukupnog razvoja mjesnih zajednica" rekao je Aco Pantić, generalni sekretar Saveza općina i gradova RS-a.

„Pored osnivanja Mreže praktičara, Savez će podržati horizontalnu integraciju ideja i dobrih praksi koje su razvijene i provedene kroz projekat „Mjesne zajednice", te će kontinuirano pružati informacije svim članovima kao što su razmjena dobrih praksi i metodologije za rad sa mjesnim zajednicama" rekla je Vesna Travljanin, direktorica Saveza općina i gradova FBiH.

Uz razmjenu dobrih praksi i umrežavanje, Mreža će omogućiti članicama Saveza da prioriteta regulatorna i druga pitanja zajednički adresiraju prema višim nivoima vlasti, stručnoj javnosti kao i međunarodnim organizacijama aktivnim na lokalnom nivou. Mreža će djelovati kao neformalno savjetodavno tijelo članica Saveza.

„Za Vladu Švicarske, ove aktivnosti i sam projekat je od posebnog značaja jer je upravo lokalni nivo u procesu rada važan korak, a na kojem se može aktivirati veće učešće građana za lokalne demokratske procese. U potpunosti podržavamo angažovanje svih lokalnih koordinatora koji su prisutni danas, a koji mogu napraviti stvarnu razliku u motivaciji i za dobrobit svih građana u BiH", kazala je Dimka Stantchev Skie, viša savjetnica za pitanja socijalne inkluzije i lokalne samouprave pri Ambasadi Švicarske u BiH.

Podršku radu Mreže koordinatora za poslove sa mjesnim zajednicama iz jedinica lokalne samouprave pruža Projekat „Jačanje uloge mjesnih zajednica u Bosni i Hercegovini" koji je zajednički projekat Vlade Švajcarske i Vlade Švedske a sprovodi ga UNDP u BiH.



Sa osnivanja Mreže koordinatora za poslove sa mjesnim zajednicama

Projekat "Čista rijeka Bosna": Preuzmite aplikaciju za mobilni telefon i pomoću iste prijavite divlju deponiju uz rijeku Bosnu, posjetite web-stranicu "cista-rijeka-bosna.org"

Gledajte Savez općina i gradova
Federacije Bosne i Hercegovine na



. Petak, 31. august 2018. godine: Općina Kakanj u saradnji sa organizacijom za razvoj turizma regije Doboj – ROTOR nastavlja aktivnosti u okviru projekta "Čista rijeka Bosna", finansiranog od strane Ambasade Sjedinjenih Američkih Država u Bosni i Hercegovini.

Nakon promotivnih akcija čišćenja koje su održane tokom eko kampanje u gradovima/opštinama/općinama sliva rijeke, nedavno je postavljen set eko-turističkih bilborda uz magistralnu saobraćajnicu. Time se omogućava eko-turistička promocija područja u slivu, kako za domaće stanovništvo, tako i za veliki broj tranzitnih turista koji proputuju kroz područje tokom godine.

Pored toga, u funkciji prijavljivanja i uklanjanja novih divljih deponija su web stranica <http://cista-rijeka-bosna.org> i aplikacija za mobilne telefone CRB koja se može preuzeti na sljedećem linku:

<https://play.google.com/store/apps/details?id=air.com.coffeebreak.CRB>

Aplikacija, pored predstavljanja partnera u projektu, edukativnog eko kviza za djecu školske dobi i igrice na temu čišćenja rijeke, podržava i mogućnost prijavljivanja novih nelegalnih odlagališta otpada na području sliva. Tako stanovnici mogu na licu mjesta putem GPRS-a označiti divlju deponiju uz rijeku Bosnu, dati njenu fotografiju i opis, a prijava dolazi na određenu e-mail adresu u gradskoj administraciji. Nakon prijave i odobravanja lokacije od strane administratora, stanovnici na aplikaciji mogu pratiti status divlje deponije i njenog uklanjanja.

Web stranica, aplikacija kao i ostale aktivnosti projekta "Čista rijeka Bosna" u saradnji sa predstavnicima lokalnih zajednica, udruženja i stanovništvom, služe postizanju čistije prirode i naseljenih mjesta u slivu.



Vrelo Bosne Sarajevo

**KORISNI LINKOVI ZA
PREDPRISTUPNE FONDove EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

"Dani europskog naslijeđa" ove godine u Kreševu, Kiseljaku i Fojnici

Federalno ministarstvo kulture i sporta organizirat će u Lepeničkoj dolini, odnosno u općinama Kreševo, Kiseljak i Fojnica, 12. i 13. rujna manifestaciju **Dani evropskog naslijeđa "Spoj prošlosti i budućnosti"**.

"Ove godine odlučili smo da pažnja bude usmjerena na vrijedne nacionalne i kulturno-historijske spomenike ovog kraja, koji predstavljaju raznoliko bogatstvo Lepeničke doline", izjavila je federalna ministrica kulture i sporta **Zora Dujmović**.

Edukativni program "Mladi i naslijeđe" je važan segment ove manifestacije, u kojem su učestvovali brojne osnovne i srednje škole. "Pristiglo je više od 600 likovnih, literarnih, dokumentarističkih i video radova, kao i veliki broj fotografija i maketa o ovogodišnjoj temi konkursa „Naša Baština - Spoj prošlosti i budućnosti“. Na taj način učenici su pokazali da razmišljaju o naslijeđu koje ih okružuje, istražuju i uče o graditeljstvu i rukotvorinama. Važno je očuvati kulturno naslijeđe i prenijeti na buduće generacije", dodala je Dujmović.

U Franjevačkom samostanu svete Katarine u Kreševu bit će upriličeno otvaranje manifestacije, čiji će se sudionici moći upoznati, kako kaže općinski načelnik **Renato Pejak**, i sa osam nacionalnih spomenika koliko ih postoji na kreševskom području.

"Zaista se imamo sa čim pohvaliti, te ćemo tokom dva dana manifestacije prezentirati ono što se možda ljubomorno čuvalo u arhivama i ladicama prošlosti", rekao je Pejak.

Načelnik Općine Kiseljak **Mladen Mušić Ramljak** skrenuo je pažnju na bogatstvo nekropola sa stećcima i da je ova općina specifična po tome što je prvo znanstveno djelo, koje je uradila Akademija znanosti i umjetnosti BiH, upravo knjiga *Lepenica*.

"Očekujem da će se na okruglom stolu, kao i drugim događajima staviti naglasak na očuvanje prirodnih bogatstva na području Lepeničke doline", kazao je načelnik Općine Fojnica **Sabahudin Klisura**.

Osim obilazaka značajnih mjesta u Kreševu, Kiseljaku i Fojnici, bit će dodijeljene povelje zaslužnim pojedincima i institucijama te diplome nagrađenim učenicima i nastavnicima osnovnih i srednjih škola iz Federacije BiH.

Održavanjem Dana evropskog naslijeđa Bosna i Hercegovina sa drugih 49 zemalja Evrope daje doprinos Evropskoj godini kulturne baštine, koju je proglasilo Vijeće Evrope.



Sa najave obilježavanja manifestacije
"Dani evropskog naslijeđa" održane u



Grbovi Općina Kreševo, Kiseljak,
Fojnica

Ambasador Holandije u BiH sa gradonačelnikom Fazlićem razgovarao o migrantskoj krizi

O aktuelnoj migrantskoj krizi koja se najviše reflektira u Gradu Bihaću danas su u Bihaću razgovarali Šuhret Fazlić, gradonačelnik Bihaća i N.J.E. Reinout Vos, ambasador Kraljevine Holandije u BiH. Kako je istaknuto na današnjem sastanku, građani Bihaća zajedno sa lokalnim vlastima i brojnim nevladinim udruženjima i međunarodnim organizacijama pomogli su migrantima koji borave u Bihaću, istovremeno očekujući konkretan angažman državnih institucija u čijoj je i nadležnosti ovaj problem.

"Prvi put sam u Bihaću i ono što sam vidio i čuo, a odnosi se prihvatanje migranata u Bihaću moram reći da bi bihaćki primjer mogao služiti kao primjer Evropi kako su građani Bihaća i lokalne vlasti zbrinuli sami ove nesretne ljude. Naravno, ovo nije problem samo grada Bihaća već svih nadležnih institucija u BiH i stoga nas u narednom periodu očekuje zajedničko rješavanje i djelovanje kako bi smo ovaj problem riješili"- kazao je ambasador Vos.

Nakon sastanka, gradonačelnik Fazlić i ambasador Vos obišli su migrante u Đačkom domu i hotelu Sedra, upoznavši se na licu mjesta sa stanjem na obje lokacije u kojima borave migranti.

"Ambasador je imao priliku vidjeti u kakvim uslovima borave migranti u Bihaću i vjerujem da će svoje utiske prenijeti nadležnim u svojoj zemlji i Evropskoj Uniji, jer bez njihove pomoći i uključivanja državnih institucija mi ćemo i dalje imati problem u gradu, odnosno imati ćemo 700 migranata u Đačkom domu, uništene Boriće, partizansko groblje i općenito pritisak na naš grad"- kazao je gradonačelnik Fazlić. (preuzeto sa: www.bihac.org 16.08.2018)



Sa razgovora o migrantskoj krizi Grada
Bihaća



Grb Grada Bihaća

Realizacija projekata uređenja korita rijeka Bosne, Stavinje i Misoče na području općine Ilijaš

Na području općine Ilijaš u toku je realizacija nekoliko projekata uređenja korita rijeka.

Krajem protekle sedmice otpočeli su radovi na realizaciji projekta uređenja korita rijeke Bosne, na dionici od ušća Gnionice do restorana Diana.

S obzirom na veliku vrijednost projekta u ovoj godini planirano je uređenje dionice u dužini 123 metra, što podrazumijeva četiri profila – od P9 do P12. Nakon cjelokupne realizacije ovog projekta dužina uređenog korita iznosit će 500 metara.

Vrijednost radova koji se trenutno izvode je 171.405,00 KM, a investitor je Agencija za vodno područje rijeke Save, u čijoj su nadležnosti vodotoci prve kategorije. Izvođač radova je firma Termo beton d.o.o. iz Breze, a rok za izvođenje radova je 60 dana.

U velikoj sali Općine Ilijaš danas je održana prezentacija projekta Uređenja korita rijeke Bosne u Ilijašu, dionica od restorana Diana do mosta za Kadariće u dužini 260 metara, a koji predstavlja nastavak prethodnog projekta. Firma Ibis d.o.o. iz Zavidovića izradila je i prezentovala projekat.

Potpunom realizacijom prethodno pomenuta dva projekta uredit će se korito rijeke Bosne u dužini od 800 metara. Radi se o kompleksnim projektima čijom će se realizacijom postići brojni benefiti za općinu Ilijaš. Zaštit će se stambeni objekti, regionalna cesta Ilijaš – Visoko, te poljoprivredno zemljište. Također će se omogućiti izgradnja šetnice duž korita rijeke Bosne, te izgradnja drugih sadržaja koji će definisati RP Banovac čija je izmjena u toku.

Trenutno se na području općine Ilijaš izvode i radovi na realizaciji projekta uređenja rijeke Misoče u naselju Mlini, ukupne dužine 150 metara.

Vrijednost projekta je 105.000,00 KM, a investitor je Vlada KS. Radove izvodi firma Bosman d.o.o. Sarajevo, a nadzor nad izvođenjem radova vrši Zavod za izgradnju Kantona Sarajevo.

Projekat podrazumijeva uređenje obale u neposrednoj blizini naselja Mlini, čime će se zaštititi stambeni i gospodarski objekti od uticaja velikih voda rijeke Misoče.

Projekat uređenja korita rijeke Stavinje je također u toku i podrazumijeva uređenje dionice od Željezničkog mosta do mosta na regionalnoj cesti Sarajevo - Visoko u dužini od 50 metara.

Vrijednost projekta je cca 50.000,00 KM, a radove finansira Vlada KS. Izvođač je firma TB inženjering Breza, a nadzor je Zavod za izgradnju KS.



Grb Općine Ilijaš

Gradonačelnik primio u radnu posjetu delegaciju Ambasade Švicarske u Bosni i Hercegovini

U prostorijama Gradske uprave, gradonačelnik Tuzle, Jasmin Imamović, sa saradnicima, primio je danas u radnu posjetu delegaciju Ambasade Švicarske u Bosni i Hercegovini. Teme današnjeg sastanka bile su implementacija KfW-SECO Projekta vodosnabdjevanja i odvodnje, te provedba Projekta lokalnog okolišnog i ekonomskog upravljanja-MEG, koji se implementiraju na području grada. Pored ovih projekata, bilo je riječi i o ostalim projektima koji se realiziraju uz podršku švicarske Vlade, u cilju podrške lokalnom razvoju.



Predstavnici Ambasade Švicarske u BiH, interesovali su se za postojeće probleme sa kojima se gradska administracija susreće u realizaciji navedenih projekata.

Gradonačelnik Tuzle Jasmin Imamović, upoznao je goste sa statusom implementacije i glavnim akterima projekata, sa akcentom na projekat Vodosnabdijevanje i odvodnja otpadnih voda – obnova i poboljšanje sistema vodosnabdijevanja i odvodnje u Tuzli. Ovom prilikom je istakao da je ovo veoma važan projekat za grad Tuzla i sve njene građane, te da gradska administracija, kroz strategiju dugoročnog snabdijevanja vodom do 2035. godine, ulaže maksimalne napore, u okviru svojih obaveza, kako bi se projekti implementirali u zadanim rokovima.

Gradonačelnik se zahvalio u projektu zapošljavanja mladih, u izradi nove Strategije integriranog upravljanja otpadom, za studiju Saobraćajno-prostorni koncept grada Tuzla, zatim za pomoć u realizaciji pilot projekta Centar za prikupljanje sekundarnih sirovina, kao i za mnoge druge projekte koje je podržala Vlada Švicarske.

Patrik Egli, novi zamjenik direktorice za saradnju u Ambasadi Švicarske u BiH, koji je direktno odgovoran za projekte iz oblasti gradske infrastrukture, ekonomije i zapošljavanja, naveo je da se pozitivna iskustva i praksa u okviru zajedničke saradnje trebaju nastaviti i u budućnosti.

Dimka Stantchev Skeie, viša savjetnica za socijalnu uključenost i upravu, u Ambasadi Švicarske u BiH, također je izrazila zadovoljstvo efektima postojećeg saradnje sa gradskom administracijom, na velikom broju zajedničkih projekata, te nadu da će tako biti i u budućnosti.



Grb Grada Tuzla

POZIV ZA UKLJUČIVANJE U REVIZIJU STRATEŠKOG PLANA RAZVOJA

Poštovani/na, Općina Jablanica je uz podršku Projekta integralnog lokanog razvoja (ILDLP), Razvojnog programa Ujedinjenih naroda (UNDP) i Švicarske agencije za razvoj i saradnju, pokrenula proces revidiranja Strategije razvoja općine Jablanica. Općinski razvojni tim (ORT) vas poziva da se uključite u proces revizije strategije, date svoj doprinos kako bi u ovom procesu došli do projekata koji bi pridonijeli razvoju naše općine.



Faza revidiranja je došla do toga da razgovaramo o sektorskom programiranju, odnosno došli smo do dijela u kojem trebamo da utvrdimo koji projekti će biti dio Strategije. Kako bi mogli kvalitetno odraditi naredne radionice, neophodno je da imamo što više prijedloga projekata. Obzirom na navedeno, a imajući u vidu da je ORT u prethodnom periodu pripremo određene materijale, pozivamo Vas da se uključite u rad ORT-a, u rad Sektorskih grupa i Partnerske grupe i date svoje komentare na ponuđene materijale i svoje prijedloge projekata. Molimo Vas da iskoristite priliku i uključite se u rad razvojnog tima i navedenih radnih grupa i da pomognete u definisanju strateških projekata kako bi do 25. septembra imali određene projektne prijedloge o kojima bi mogli razgovarati.

Obrazac projektnog prijedloga je dokument koji vam može poslužiti kao vodilja za projektne ideje i nikako ne predstavlja zadani okvir van kojeg ne možemo ići. To znaci da cemo u razmatranje prihvatiti sve projekte koji nam se dostave, ali projekti koji ne korespondiraju sektorskim ciljevima, koji nisu razvojnog karaktera i koji imaju nerealne izvore finansiranja, necemo uvrstiti u Strategiju

Materijale neophodne za vaše eventualne komentare i primjerak projektnog obrasca u elektronskoj formi, možete naći na web stranici Općine Jablanica: www.jablanica.ba. Ukoliko imate bilo kakvih pitanja, stojimo vam na raspolaganju na brojeve telefona: 036/751-306, 061/525-021 ili na e mail: dz.mulahasanovic@jablanica.ba.

Srdačan pozdrav,

KOORDINATOR ORT-a
Dženan Mulahasanović, dipl.ecc

KORISNI LINKOVI ZA PREDPRISTUPNE FONDOW EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmcd.com
www.eacea.ec.europa.eu



Grb Općine Jablanica



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



NAJAVA OBILJEŽAVANJA DANA OPĆINA I GRADOVA ZA MJESEC SEPTEMBAR/RUJAN

- 08. septembar/rujan** - Dan Općine Ravno i blagdan Male Gospe, zaštitnice župe
- 08. septembar/rujan** - Dan Općine Prozor-Rama i blagdan Male Gospe.
- 10. septembar/rujan** - Dan Općine Banovići. Na ovaj dan 1995. godine oslobođena je cjelokupna teritorija općine Banovići.
- 14. septembar/rujan** - Dan Općine Donji Vakuf. Tog dana 1995. godine oslobođen je Donji Vakuf.
- 15. septembar/rujan** - Dan Općine Zavidovići. Ovaj datum proglašen je za Dan Općine Zavidovići zato što je u periodu od 10. do 15. septembra 1995. godine izvršeno oslobađanje cjelokupne teritorije Općine Zavidovići (područja Vozuća 10. septembra 1995. godine i Blizna 15. septembra 1995. godine).
- 15. septembar/rujan** - Dan Općine Ključ. Taj dan se obilježava i kao Dan oslobođenja jer su na taj dan 1995. godine jedinice Armije BiH oslobodile Ključ.
- 17. septembar/rujan** - Dan Općine Bosanska Krupa. Navedeni datum predstavlja dan konačnog oslobođenja Bosanske Krupe 1995. godine.
- 18. septembar/rujan** - Dan Općine Lukavac. Značaj ovog datuma je u činjenici da je 1995. godine oslobođena cijela teritorija Općine Lukavac.
- 18. septembar/rujan** - Dan Općine Goražde. Ovaj datum podsjeća na 18.10.1992. godine, kada su jedinice Armije BiH prvi put oslobodile Goražde od neposrednog okruženja neprijatelja, i zlatnim je slovima upisan u historiju Goražda. Ovaj dan se obilježava i kao Dan BPK-a Goražde.
- 18. septembar/rujan** - Dan Općine Maglaj. Toga dana 1408. godine u Povelji ugarskog Kralja Sigismunda „Sub Castro Nostro Maglay“ – „Pod našom tvrđavom Maglaj“ prvi put se u pisanim tragovima spominje ime grada Maglaja.
- 18. septembar/rujan** - Dan Općine Kupres. Spomen na dan kada se prvi put spominje Kupres.
- 27. septembar/rujan** - Dan Općine Pale u FBiH. Tog dan 1992. godine oslobođena je Hrenovica, najveća mjesna zajednica na prostoru Općine Pale-Prača i oformljeni prvi upravni organi Općine. Taj dan se obilježava i kao Dan otpora za Općinu Pale-Prača.
- 28. septembar/rujan** - Dan Općine Livno. Najstariji pisani dokument u kojem se spominje Livno je Povelja kneza Mutimira od 28.09.892. godine kojom se Crkva sv. Jurja daruje splitskom nadbiskupu Petru II, u kojoj se među potpisnicima u listi svjedoka na drugom mjestu nalazi i livanjski župan Želimir. Ovaj datum se danas obilježava kao Dan Općine Livno.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

